

ODLUKA
o visini naknada po Odluci o komunalnom redu
(Neslužbeni prečišćeni tekst)

Član 1.

Ovom Odlukom se utvrđuje:

- visina naknade za postavljanje reklamnih konstrukcija i reklamnih panoa, reklama, reklamnih svjetlećih i drugih ormarića, jarbola, zastava i sličnih natpisa unutar i izvan cestovnog zemljišta javnih i ostalih cesta u nadležnosti Grada Tuzla, reklamnih ploča, izloga, zaštitnih naprava na izlozima, oglasnih ploča, oglasnih stubova i oglasnih ormarića,
- visina naknade za postavljanje plakata, oglasa i sličnih objava na mjestima određenim za njihovo postavljanje, te visina naknade za uklanjanje istih,
- početna cijena u postupku javnog nadmetanja – licitacije za postavljanje, odnosno građenje pojedinih tipova reklamnih objekata (Jumbo, City Light i slično),
- početna cijena u postupku javnog nadmetanja – licitacije za povjeravanje rekreacionih javnih površina (zelene neuređene javne površine), neuređenih i devastiranih igrališta i ostalih javnih sportskih objekata na korištenje,
- početna cijena u postupku javnog nadmetanja – licitacije za postavljanje ljetnih i zimskih bašti koje nisu sastavni dijelovi postojećih poslovnih objekata i prostorija,
- visina naknade za postavljanje bašti, tendi i privremenih prodajnih izložbenih mjesta ispred poslovnih objekata i prostorija,
- početna cijena u postupku javnog nadmetanja – licitacije za postavljanje kioska veličine do 12 m², te visina naknade za korištenje javnih površina za već postavljene kioske veličine do 12 m²,
- visina naknade za postavljanje montažnih garaža veličine do 18 m²,
- visina naknade za postavljanje zabavnih parkova, cirkusnih šatri i drugih sportskih i zabavnih sadržaja,
- visina naknade za postavljanje pokretnih objekata, tezgi, rashladnih uređaja, stolova za prodaju lutrije, štampe, knjiga, cvijeća, ukrasnih predmeta i drugih pokretnih naprava iz člana 2. tačka 2. Odluke o komunalnom redu (“Službeni glasnik Općine Tuzla”, broj 4/10., 9/10., 1/11. i 3/11 i “Službeni glasnik Grada Tuzla”, broj 11/15. i 9/16.), (u daljem tekstu: Odluka o komunalnom redu),
- visina naknade za istovar, smještaj i utovar građevinskog materijala, podizanje skela, polaganje tračnica za kran i drugih građevinskih mašina, te popravku vanjskih dijelova zgrada i drugih građevinskih radova,
- visina naknade za odlaganje viška zemlje s iskopa, odnosno otpadnog građevinskog materijala na za tu svrhu predviđena odlagališta – deponije,
- visina naknade za prekopavanje javnih površina te površina unutar cestovnog zemljišta javnih i ostalih cesta u nadležnosti Grada Tuzla, u svrhu polaganja, uklanjanja, sanacije i rekonstrukcije podzemnih instalacija i uređaja, odnosno postavljanja stubova zračne mreže, kao i visina naknade za polaganje podzemnih

- instalacija i uređaja, odnosno postavljanje stubova zračne mreže na javnim površinama te površinama unutar cestovnog zemljišta javnih i ostalih cesta u nadležnosti Grada Tuzla,
- visina naknade za korištenje cestovnog zemljišta javnih i ostalih cesta u nadležnosti Grada Tuzla i zemljišta uz javne ceste, kao i javnih površina, radi obavljanja pratećih djelatnosti pružanja usluga vozačima i putnicima, u svrhu postavljanja, polaganja i instaliranja priključka na javne ceste, kao i elektronskih, telefonskih, antenskih i drugih sličnih priključaka i uređaja.

Član 2.

Visina naknade za postavljanje reklamnih konstrukcija i reklamnih panoa, reklama, reklamnih svjetlećih i drugih ormarića, jarbola, zastava i sličnih natpisa izvan cestovnog zemljišta javnih i ostalih cesta u nadležnosti Grada Tuzla, reklamnih ploča, izloga, zaštitnih naprava na izlozima, oglasnih ploča, oglasnih stubova i oglasnih ormarića, utvrđuje se u zavisnosti od veličine istih i zone u kojoj se vrši postavljanje, na sljedeći način:

1. Za naprave pobrojane u stavu 1. ovog člana, veličine do 1,00 m², naknada iznosi:
 - u I zoni, 15,00 KM mjesečno,
 - u II zoni, 12,00 KM mjesečno i
 - u III zoni, 8,00 KM mjesečno.
2. Za naprave pobrojane u stavu 1. ovog člana, veličine od 1,00 m² do 2,00 m², naknada iznosi:
 - u I zoni, 25,00 KM mjesečno,
 - u II zoni, 15,00 KM mjesečno i
 - u III zoni, 12,00 KM mjesečno.
3. Za naprave pobrojane u stavu 1. ovog člana, veličine od 2,00 m² do 3,00 m², naknada iznosi:
 - u I zoni, 30,00 KM mjesečno,
 - u II zoni, 25,00 KM mjesečno i
 - u III zoni, 15,00 KM mjesečno.
4. Za naprave pobrojane u stavu 1. ovog člana, veličine od 3,00 m² do 7,00 m², naknada iznosi:
 - u I zoni, 45,00 KM mjesečno,
 - u II zoni, 30,00 KM mjesečno i
 - u III zoni, 25,00 KM mjesečno.

5. Za naprave pobrojane u stavu 1. ovog člana, veličine od 7,00 m² do 12,00 m², naknada iznosi:

- u I zoni, 50,00 KM mjesečno,
- u II zoni, 40,00 KM mjesečno i
- u III zoni, 35,00 KM mjesečno.

6. Za naprave pobrojane u stavu 1. ovog člana, veličine preko 12 m², naknada iznosi:

- u I zoni, 100,00 KM mjesečno,
- u II zoni, 80,00 KM mjesečno i
- u III zoni, 60,00 KM mjesečno.

Naknada za postavljanje naprava pobrojanih u stavu 1. ovog člana na fasadama, stalnim ogradama, potpornim zidovima, energetskim i drugim postrojenjima i sličnim objektima, na ogradama pješačkih i saobraćajnih mostova, utvrđuje se u iznosu od 50% od iznosa propisanih u stavu 1. tačke 1. do 6. ovog člana.

Naknada za postavljanje reklamnih i drugih naprava na objekte ili zemljište koje je u vlasništvu fizičkih ili pravnih lica utvrđuje se u iznosu od 50% od iznosa propisanih u stavu 1. tačke 1. do 6. ovog člana.

Naknada za postavljanje reklamnih konstrukcija, reklamnih panoa i drugih reklamnih znakova unutar cestovnog zemljišta javnih i ostalih cesta u nadležnosti Grada Tuzla, utvrđuje se i obračunava u skladu sa Pravilnikom o postavljanju reklamnih znakova na cestama ("Službene novine Federacije Bosne i Hercegovine", broj 75/10.), na sljedeći način:

- za jednostrani neosvijetljeni reklamni znak na cestovnom zemljištu naknada iznosi 100 KM/m², na godišnjem nivou,
- za jednostrani osvijetljeni reklamni znak na cestovnom zemljištu naknada iznosi 140 KM/m², na godišnjem nivou,
- za jednostrani neosvijetljeni reklamni znak u zaštitnom pojasu naknada iznosi 40 KM/m², na godišnjem nivou i
- za jednostrani osvijetljeni reklamni znak u zaštitnom pojasu naknada iznosi 60 KM/m², na godišnjem nivou.

Visina naknade za dvostrane i višestране reklamne znakove i rotirajuće prizme i slično, određuje se na način što se novčani iznosi utvrđeni u stavu 4. ovog člana, uvećavaju za 50% po svakoj strani reklamnog znaka.

Visina naknada utvrđena u stavu 4. i 5. ovog člana usklađuje se zavisno o intezitetu saobraćaja na putu – PGDP (prosječni godišnji dnevni saobraćaj), na sljedeći način:

- na javnim i ostalim cestama na kojima PGDP iznosi od 3000 do 7000 vozila, visina naknade se obračunava u utvrđenom iznosu,

- na javnim i ostalim cestama na kojima je PGDP manji od 3000 vozila, visina utrdene naknade umanjuje se za 10%,
- na javnim i ostalim cestama na kojima PGDP iznosi preko 7000 vozila, visina utvrđene naknade uvećava se za 10% za svakih 1000 vozila PGDP i
- na javnim i ostalim cestama na kojima nema podataka o PGDP-u visina naknade obračunava se u utvrđenim iznosima.

Za obračun naknade iz stava 6. ovog člana koriste se posljednji službeni podaci o intezitetu saobraćaja.

Član 3.

Visina naknade za postavljanje plakata, oglasa i sličnih objava, utvrđuje se u zavisnosti od veličine istih, na sljedeći način:

- za plakate, oglase i slične objave, veličine do 1 m², naknada iznosi 0,50 KM, po primjerku plakata i
- za plakate, oglase i slične objave, veličine preko 1 m², naknada iznosi 0,70 KM, po primjerku plakata.

Naknada za uklanjanje plakata, oglasa i sličnih objava, utvrđuje se u iznosu od 50% od iznosa utvrđenih u prethodnom stavu ovog člana.

Član 4.

Početni iznos naknade za korištenje površine u svrhu postavljanja, odnosno građenja pojedinih tipova reklamnih naprava (jumbo, city light i slično), u smislu člana 27. Odluke o komunalnom redu, utvrđuje se u zavisnosti od zone u kojoj se postavljanje, odnosno građenje vrši, na sljedeći način:

1. Za postavljanje reklamnih naprava veličine do 30 m², početna naknada po 1 m² iznosi:
 - u I zoni, 3,00 KM mjesečno,
 - u II zoni, 2,50 KM mjesečno i
 - u III zoni, 2,00 KM mjesečno.

2. Za postavljanje reklamnih naprava veličine preko 30 m², početna naknada po 1 m² iznosi:
 - u I zoni, 2,00 KM mjesečno,
 - u II zoni, 1,50 KM mjesečno i
 - u III zoni, 1,00 KM mjesečno.

Član 5.

Povjeravanje na korištenje rekreacionih javnih površina (zelene neuređene javne površine), neuređenih i devastiranih igrališta, sportskih i dječijih igrališta i ostalih javnih sportskih objekata, vrši se putem javnog nadmetanja – licitacije.

Početna cijena u postupku javnog nadmetanja – licitacije za korištenje površina iz prethodnog stava, utvrđuje se u zavisnosti od zone u kojoj se površina nalazi, i za 1,00 m² površine iznosi:

- u I zoni, 1,50 KM mjesečno,
- u II zoni, 0,50 KM mjesečno i
- u III zoni, 0,10 KM mjesečno.

Član 6.

Početna cijena za 1,00 m² zauzete javne površine u svrhu postavljanja ljetnih i zimskih bašti koje nisu sastavni dijelovi poslovnih objekata i prostorija, iznosi:

- u I zoni, 6,00 KM mjesečno,
- u II zoni, 4,00 KM mjesečno i
- u III zoni, 2,00 KM mjesečno.

Visina naknade za 1,00 m² zauzete javne površine u svrhu postavljanja ljetnih i zimskih bašti koje su sastavni dio poslovnih objekata i prostorija, te tendi i privremenih prodajnih i izložbenih mjesta ispred poslovnih objekata i prostorija, iznosi:

- u I zoni, 6,00 KM mjesečno,
- u II zoni, 4,00 KM mjesečno i
- u III zoni, 2,00 KM mjesečno.

Naknadu za zauzimanje javne površine u svrhu postavljanja ljetnih bašti za period od 01.11. tekuće godine do 31.03. naredne godine, korisnici su dužni plaćati u iznosu od 50% od ukupnog iznosa predviđenog za plaćanje naknade za zauzimanje javne površine u svrhu postavljanja ljetnih bašti.

Visina naknade za zauzimanje javnih površina u svrhu postavljanja ljetnih bašti i pripadajućeg inventara za vrijeme njihovog nekorištenja, odnosno za period od 01.11. tekuće godine do 31.03. naredne godine, određuje se paušalno i iznosi 150,00 KM.

Visina naknade za zauzimanje javne površine u svrhu postavljanja ljetnih bašti, za april, maj, septembar i oktobar, umanjuje se za 15% od ukupnog iznosa naknade predviđene za zauzimanje javnih površina u svrhu postavljanja ljetnih bašti.

Visina naknade za zauzimanje javne površine u svrhu postavljanja ljetnih bašti, za juni, juli i august, umanjuje se za 10% od ukupnog iznosa naknade predviđene za zauzimanje javnih površina u svrhu postavljanja ljetnih bašti.

Član 7.

Zauzimanje javne površine u svrhu postavljanja kioska, veličine do 12 m², vrši se u skladu s Programom utvrđivanja lokacija za zauzimanje javnih površina, na osnovu provedenog javnog nadmetanja – licitacije, a početna cijena za 1,00 m² zauzete javne površine iznosi:

- u I zoni, 6,00 KM mjesečno,
- u II zoni, 3,50 KM mjesečno i
- u III zoni, 2,50 KM mjesečno.

Visina naknade za zauzimanje javne površine za već postavljene kioske, veličine do 12 m², utvrđuje se u zavisnosti od zone u kojoj se javna površina nalazi, i za 1,00 m² površine iznosi:

- u I zoni, 6,00 KM mjesečno,
- u II zoni, 3,50 KM mjesečno i
- u III zoni, 2,50 KM mjesečno.

Član 8.

Za zauzimanje javne površine u svrhu postavljanja montažnih garaža, veličine do 18 m², visina naknade za 1,00 m² zauzete javne površine iznosi:

- u I zoni, 1,00 KM mjesečno,
- u II zoni, 0,50 KM mjesečno i
- u III zoni, 0,10 KM mjesečno.

Član 9.

Za zauzimanje javne površine u svrhu postavljanja zabavnih parkova i cirkusnih šatri, naknada se utvrđuje u mjesečnom iznosu, i za 1,00 m² zauzete javne površine iznosi 6,00 KM.

Za zauzimanje javnih površina u svrhu organizovanja i održavanja sportskih i zabavnih sadržaja te drugih sadržaja koji nemaju komercijalni karakter, ili se priređuju u humanitarne svrhe, naknada se utvrđuje u mjesečnom iznosu i za 1 m² zauzete javne površine iznosi 1,00 KM.

Član 10.

Za zauzimanje javne površine u svrhu postavljanja pokretnih naprava iz člana 2. tačka 2. Odluke o komunalnom redu, osim pozornica i sličnih naprava te automobila kao prezentacije, promocije ili lutrijskog dobitka, naknada se utvrđuje po pokretnoj napravi, te u zavisnosti od zone u kojoj se javna površina nalazi i za prvih sedam dana, dnevno iznosi:

- u I zoni, 8,00 KM,
- u II zoni, 6,00 KM i
- u III zoni, 4,00 KM.

Za osmi i svaki naredni dan, naknada se utvrđuje u dnevnom iznosu po pokretnoj napravi u visini od 50% naknade utvrđene u stavu 1. ovog člana, s tim da naknada za period od mjesec dana po pokretnoj napravi iznosi maksimalno:

- u I zoni, 120,00 KM,
- u II zoni, 100,00 KM i
- u III zoni, 80,00 KM.

Za zauzimanje javne površine u svrhu postavljanja pozornica i sličnih naprava, naknada se utvrđuje u dnevnom iznosu i za 1 m² zauzete javne površine iznosi 1,00 KM.

Naknada iz stava 1. i 3. ovog člana, umanjit će se za 50% za cijeli period za koji se vrši zauzimanje javne površine, kada se isto finansira ili sufinansira od strane državnih organa ili organa jedinice lokalne samouprave te kada se isto vrši u svrhu prikupljanja potpisa, potpisivanja peticija, podjele letaka i sličnih materijala čiji sadržaj nema komercijalni karakter, ili u druge nekomercijalne svrhe.

Za zauzimanje javne površine u svrhu postavljanja automobila kao prezentacije, promocije ili lutrijskog dobitka, naknada se utvrđuje po automobilu te, u zavisnosti od zone u kojoj se javna površina nalazi i za period od najduže sedam dana, dnevno iznosi:

- u I zoni, 80,00 KM,
- u II zoni, 60,00 KM i
- u III zoni, 40,00 KM.

Za osmi i svaki naredni dan, naknada se utvrđuje u dnevnom iznosu po automobilu u visini od 50% naknade utvrđene u stavu 5. ovog člana.

Za zauzimanje javne površine u svrhu prodaje ukrasnih predmeta, cvijeća, čestitki, suvenira i slično, u dane državnih praznika i drugih praznika kada je to uobičajeno, u skladu s uslovima iz člana 49. Odluke o komunalnom redu, visina naknade se utvrđuje u dnevnom iznosu, te po pokretnoj napravi iznosi 10,00 KM.

Za zauzimanje javne površine u svrhu postavljanja rashladnih uređaja, naknada se utvrđuje u mjesečnom iznosu, u zavisnosti od zone u kojoj se javna površina nalazi, i iznosi:

- u I zoni, 25,00 KM,
- u II zoni, 15,00 KM i
- u III zoni, 12,00 KM.

Član 11.

Visina naknade za privremeno zauzimanje javne površine u svrhu istovara, smještaja i utovara građevinskog materijala, podizanja skela, polaganja tračnica za kran i drugih građevinskih mašina, te popravke vanjskih dijelova zgrada i sličnih građevinskih radova, utvrđuje se u mjesečnom iznosu, i za 1,00 m² zauzete javne površine iznosi 2,50 KM.

Član 12.

Naknada za odlaganje viška zemlje s iskopa i otpadnog građevinskog materijala, na za to predviđena odlagališta, odnosno deponije, osim u slučaju odlaganja po zahtjevu ili za potrebe Grada Tuzla, iznosi 1,00 KM po 1,00 m² deponovanog viška zemlje, odnosno otpadnog građevinskog materijala.

Član 13.

Naknada za prekopavanje javnih zelenih površina, kao i ostalih javnih površina, uključujući površine unutar cestovnog zemljišta javnih i ostalih cesta u nadležnosti Grada Tuzla, radi postavljanja, uklanjanja, izmjene i održavanja podzemnih instalacija i uređaja, osim u slučaju prekopavanja po zahtjevu ili za potrebe Grada Tuzla, iznosi 4,00 KM po dužnom metru prekopane javne površine.

Naknada za korištenje cestovnog zemljišta javnih i ostalih cesta u nadležnosti Grada Tuzla u svrhu polaganja podzemnih instalacija i uređaja, osim podzemnih instalacija i uređaja koji imaju za svrhu osiguranje pružanja komunalnih usluga korisnicima (vodovod, kanalizacija, centralno grijanje) i instalacija i uređaja koji se postavljaju po zahtjevu ili za potrebe Grada Tuzla, obračunava se i naplaćuje u skladu s Pravilnikom o naknadama za korištenje cestovnog zemljišta ("Službene novine Federacije Bosne i Hercegovine", broj 75/10.) na godišnjem nivou i ista po metru dužnom za prvu godinu iznosi:

- za telekomunikacijske i električne kablove i slično – 1,00 KM,
- za cjevovode do 200 mm profila – 1,50 KM i
- za cjevovode preko 200 mm profila – 2,50 KM.

Naknada za korištenje javnih površina izvan cestovnog zemljišta javnih i ostalih cesta u nadležnosti Grada Tuzla u svrhu polaganja podzemnih instalacija i uređaja, osim podzemnih instalacija i uređaja koji imaju za svrhu osiguranje pružanja komunalnih usluga korisnicima (vodovod, kanalizacija, centralno grijanje), obračunava se na godišnjem nivou i ista iznosi 80% naknade utvrđene u stavu 2. ovog člana.

Za svaku narednu godinu naknada iznosi 50% naknade utvrđene u stavu 2. i 3. ovog člana.

Naknada za korištenje cestovnog zemljišta javnih cesta u nadležnosti Grada Tuzla i javnih površina izvan cestovnog zemljišta javnih i ostalih cesta u nadležnosti Grada Tuzla u svrhu postavljanja stubova zračne mreže, osim stubova zračne mreže koji imaju za svrhu

osiguranje pružanja komunalnih usluga korisnicima (javna rasvjeta), obračunava se na godišnjem nivou i ista iznosi 50,00 KM/kom.

Naknada za polaganje svih vrsta podzemnih instalacija u već izgrađene podzemne vodove u vlasništvu Grada Tuzla, utvrđuje se u mjesečnom iznosu od 0,40 KM po dužnom metru položenih instalacija.

Član 13.a

Naknada za korištenje cestovnog zemljišta javnih i ostalih cesta u nadležnosti Grada Tuzla i zemljišta uz javne ceste, kao i javnih površina, radi obavljanja pratećih djelatnosti pružanja usluga vozačima i putnicima, u svrhu postavljanja, polaganja i instaliranja priključka na javne ceste u nadležnosti Grada Tuzla, kao i elektronskih, telefonskih, antenskih i drugih sličnih priključaka, osim priključaka, instalacija i uređaja koji se postavljaju po zahtjevu ili za potrebe Grada Tuzla, obračunava se i naplaćuje na godišnjem nivou, i ista po kvadratnom metru površine, odnosno po komadu, iznosi:

- za benzinske stanice s priključkom – 6,00 KM/m²,
- za sve ostale priključke, osim za stambene zgrade – 3,00 KM/m²,
- za autoservise, ugostiteljske i druge slične objekte – 3,00 KM/m²,
- za elektroenergetske objekte, elektronske priključke i opremu: trafostanice – 300,00 KM/kom, razvodne ormariće, zdence ili šahtove – 100,00 KM/kom,
- telefonske i antenske uređaje i opremu (bazne postaje, antenske stupove, radio relejne postaje i dr.) – 300,00 KM/kom i
- razvodne ormariće, zdence ili šahtove – 60,00 KM/kom.

Član 14.

Za sprovođenje odredbi ove Odluke nadležne su Služba za komunalne poslove, izgradnju i poslove mjesnih zajednica i Služba za inspekcijske poslove Grada Tuzla.

Član 15.

Stupanjem na snagu ove Odluke prestaje da važi Odluka o visini naknada po Odluci o komunalnom redu (“Službeni glasnik Općine Tuzla”, broj 9/10., 2/11. i 5/12.).

Član 16.

Neslužbeni prečišćeni tekst obuhvata: Odluku o visini naknada po Odluci o komunalnom redu (“Službeni glasnik Općine Tuzla”, broj: 9/12), Odluku o izmjenama Odluke o visini naknada po Odluci o komunalnom redu (“Službeni glasnik Grada Tuzla”, broj 6/15), Odluku o izmjenama Odluke o visini naknada po Odluci o komunalnom redu (“Službeni glasnik Grada Tuzla”, broj 7/15), Odluku o izmjeni Odluke o visini naknada po Odluci o komunalnom redu (“Službeni glasnik Grada Tuzla”, broj 6/16), Odluku o izmjenama i dopunama Odluke o visini naknada po Odluci o komunalnom redu (“Službeni glasnik Grada Tuzla”, broj 12/16), Odluku o

izmjenama i dopunama Odluke o visini naknada po Odluci o komunalnom redu (“Službeni glasnik Grada Tuzla”, broj 2/17), Odluku o dopuni Odluke o visini naknada po Odluci o komunalnom redu (“Službeni glasnik Grada Tuzla”, broj 6/18) i Odluku o izmjenama i dopunama Odluke o visini naknada po Odluci o komunalnom redu (“Službeni glasnik Grada Tuzla”, broj 5/19).

Član 17.

Prečišćeni tekst Odluke objavit će se u “Službenom glasniku Grada Tuzla”.

OBRADIVAČ:

Služba za komunalne poslove, izgradnju
i poslove mjesnih zajednica